

# ФАРФОНА ОСМОНИДА УЛКАН ЎЗБЕКИСТОН РЕСПУБЛИКАСИ БАЙРОФИ ҲИЛПИРАДИ

Бугун Фарғонада Ўзбекистон Республикаси давлат байроғи қабул қилинган кунга бағишиланган ҳарбий ватанпарварлик фестивали бўлиб ўтди.

Вилоят ҳокимлиги, шаҳар ҳокимлиги ҳамда Шарқий ҳарбий округ қўмондонлиги ҳамкорлигига “Фарғона” дала-ўқув майдонида ташкил этилган тантанали тадбирда вилоят ҳокими Ҳайрулло Бозоров, Шарқий ҳарбий округ қўшинлари қўмондони полковник Лутфулла Бузруков, вилоят Мудофаа ва Хавфсизлик тизимлари раҳбарлари ва жамоатчилик вакиллари иштирок этишди.

Тадбирда сўз олган вилоят раҳбари барчани байрам билан табриклаб, ўттиз йилдан буён байроғимиз ҳалқаро майдонда мамлакатимизнинг куч-кудрати, мустақиллигимизнинг жаҳон аро ифодаси рамзи бўлиб хизмат қилаётганлигини таъкидлади.

“Юртимиз байроғи – ўтмиш, бугун ва келажагимизнинг ёрқин тимсолидир. Мусаффо осмонимиз узра мағрур ҳилпираётган юрт байроғини кўрган пайтимиизда қалбларимиз беихтиёр тўлқинланади, фаҳр-ифтихор пайдо бўлади. Айниқса, мана шундай тадбирларни кўпроқ ўтказишимиз керак. Ёшларимизни ватанпарварлик, юртга садоқат руҳида тарбиялашда бунинг аҳамияти катта. Бу байрам ҳам бизнинг ғуур-ифтихоримиздир”, - деди Ҳайрулло Бозоров.

Давлатчилигимиз тарихининг қайси даврини олиб қарамайлик, байроқ озодлик, куч-кудрат, жасорат, ғалаба тимсоли бўлган. Буюк соҳибқирон Амир Темур ғолиблик байроғини юксак кўтарди. Бугунги кунда Истиқлол туғи сифатида яна самоларга бўй чўзган байроғимиз кучли давлатимизнинг, қудратли армиямизнинг ҳимояси остида экани бизни қувонтиради, буюк Ўзбекистонимизнинг эртанги порлоқ келажагига бўлган ишончимизни мустаҳкамлайди. Шу маънода кенг жамоатчилик вакиллари, ҳарбийлар ва ёшлар қатнашган тадбирда ҳарбий техникалар кўргазмаси ҳам ташкил этилгани байрамнинг моҳиятини янада оширади.

Фарғона шаҳрида жойлашган ҳарбий қисм ҳаво десантчиларининг давлатимиз байроғи билан сакраш машқлари намойиш этилди. 2 минг 500 метр баландлиқдан Ўзбекистон Республикаси Давлат байроғининг 1 100 метр квадрат ҳажмдаги шакли билан экстремал шароитда парашютдан амалий сакраш машқи эса иштирокчилар қалбида фаҳр-ифтихор уйғотди.

Бизни ижтимоий тармоқларда кузатинг Facebook,  
2021-11-18 19:28:57